



MARY YMA

Ramhlun North YMA Chanchinbu

“YMA thuvawn: YMA chu tanpui ngaite tanpuitu”



YMA thiltum: 1. Hunawl hman that. 2. Zofate hmasawna ngaihtuah. 3. Kristian nun dan tha ngaihsan

Vol. 44

Issue No. 15

Ramhlun North: Ni 11 April, 2026

BRANCH THU THAR

■ Ramhlun North Branch YMA chuan Zone IV Anti Drug Squad hmalak zel nen ₹ 10,000/- hlan a ni.

■ 13th Inter-Branch YMA Cricket Tournament Quarter Final-ah kan Branch Cricket Team te chuan April 7, 2026 (Thawhlethni) khan Luangmual Branch YMA an hmachhawn a, game hmuhdawm tak kan khel hnuin vanduai zawkah kan tang ta hlauh a ni. Branch YMA tana theihtawp chhuahtu kan coaching staff-te leh Player-te chungah Ramhlun North Branch YMA chuan lawmthu a sawi tak meuh meuh a ni.

SECTION THU THAR

■ **Vanapa Section:** Pu Laltlanchhunga te chhungkua, V-Sec. chuan an nu leh pa Pu Lalbiaka (Fam) leh Pi Duhsangi (Fam) te hriatreng nan Horn leh Sound Cable RNYMA Vanapa Section te an pe a, section hruaituten lawmthu an sawi e.

■ **Saizahawla Section:** Ni 31.3.2026 (Thawhlethni) nileng khan Section bungrua enfel hnatlang an nei.

■ **Chawngbawla Section:** Ni 11.4.2026 (Inrinni) nileng khan bungrua enfelin hnatlang an nei.

■ **Neuva Section:** Pu L. Chhuanliana te chhungkua chuan an fapa Tv. Darhmingthanga (Fam) hriatreng nan Amplifier, mic stand, mic leh cable, Neuva Section te an pe a, hruaituten lawmthu an sawi.

SUB-COMMITTEE THU

■ **Library sub-committee:** Library Membership Drive neih mek a ni a, membership fee hi ₹ 100/- a ni a, vengchhung mipui a tam thei ang ber member ni turin an sawm a, member tan lehkahbu hawh man a hranin a awm lo a ni.

■ **Music sub-committee:** March ni 31, 2026 (Thawhlethni) nileng khan Music sub-committee ten Sunrise Villa, Sakawrhmuithuai ah intuaithama hun an hmang.

Library duty turte:

1. RD Vanlalmangaihzeli, N-Sec.
2. Ruth Biakchungnungi, T-Sec.
3. Lalnunpuii Hmar, T-Sec.
4. Lalremruatfeli Pulamte, K-Sec.
5. Zodinpuui Zote, T-Sec.
6. Lalmawizuali, S-Sec.

BRANCH EXECUTIVE COMMITTEE VAWI 4-NA (YMA Member 4790 kan awm mek)

Ramhlun North, the 11th April, 2026: Ni 10.4.2026 (Zirtawpni) zan khan Ramhlun North Branch YMA Executive Committee Meeting neih a ni a, thurel tlangpui hetiang a ni:

1. YMA Day hman chungchang: Kumin YMA Day chu vengchhungah hman tura tih a ni a, Organizing committee Office Bearers hetiang hian din a ni:

Chairman: Pu Lalrochama, Vice President

Vice Chairman: Pu R. Lalrinmawia

Secretary: Pu Lalchuanawma

Asst. Secretary: Pu Lalzemawia

Treasurer: Ni. RL Chungnungi

Tin, Organising OB te hian a tul angin Committee Member an lo ruat ang a, Section tin Leader-te Organising Committee-ah hian an tel nghal baw a ni.

2. Prof. Malsawmliana, GS, CYMA atanga Branch property donate tura min ngen angin Section tin in bungraw hman loh kan neih te April thla ral hmaa Chawngbawla Rûn ah dahkhawm tura tih a ni.

3. RNYMA Member zawn zawh a ni a, member hi kan vaiin 4790 kan ni a, Life Member mi 119 kan awm a, mipa 2356 leh hmeichhia 2434 kan ni a, CYMA chanchinbu la hi mi 156 kan awm baw. Section hrang hrang member dinhmun chu a hnuaia tarlan ang hi a ni:

Section	Mipa	Hmeichhia	Life Member	TOTAL	YMA CCB
Vanapa	481	526	25	1007	18
Taitesena	383	341	22	724	29
Chawngbawla	468	529	20	997	22
Neuva	229	248	21	477	47
Saizahawla	366	379	18	745	30
Khuangchera	429	411	13	840	10
TOTAL	2356	2434	119	4790	156

CENTRAL CO-ORDINATION COMMITTEE (CCC) VAWI 105-NA CENTRAL YMA HALL-AH NEIH A NI

Central Co-Ordination Committee Vawi 105-na chu ni 8.4.2026 (Nilaini) khan Central YMA Hall ah neih a ni. He thut khawm hi Central YMA President Pu R. Lalnghe'ta'n a kaihruai a, YMA Inkhawmpui Lian Vawi 74-na thurel bawihzuina YMA khawih ah 'YMA nihphung, inkaihruaina leh hruaitute mawhphurhna ram pumah inzirtirna neih ni rawh se' tih te, 'Mizoram chhunga hnam dang sumdawng tam ta lutuk hi ti tlem turin YMA in hma la rawh se' tih te, 'Mizo hmeichhia ten hnam dang an neih zel loh nan Central YMA in inzirtirna nasa leh zual zawkin kalpui rawh se' tih chungchang te, 'Mizo infiamnate chawisan a nih theih nan Central YMA in hma la rawh se' tih te leh 'Zohnahtlak chi peng hrang hrang Mizoram-a chengte zingah chibil hmalakna a awm tawh loh nan Central YMA in hma la rawn se' tih te chu chak zawk a hmalak nise ti a rel a ni. Tin Sawrkar khawih 'Inner Line Permit (ILP) hi tun aia khauh leh awmze nei zawka kalpui a nih theih nan YMA in sawrkarah thlen rawh se' tih te 'Tui hna humhalh dan siam ni rawh se' tih chungchanga te leh 'Mizoram chhunga inkalpawhna kawngpui hrang hrang a chhiat avanga mipuiten harsatna kan tawk nasa lutuk thin hi a lo ziaawm theih nan Mizoram sawrkar in tun aia chak zawkin hma la rawh se' tih chungchang te chu chak zawk a hmalak chhunzawm zel nise tih a ni.

CCC Vawi 105-na ah hian kan Branch chuan hneh takin Central YMA Hall-ah a thleng a, Reception & Ushering bakah Ni. F. Vanlalhruii, N-Sec. leh Ni. Lalnunfeli, K-Sec. ten palai te thiam takin zaiin an awi baw a ni. He hunah hian kan Branch atangin mi 30 vel an thawkchhuak thei a, thawk chhuak zawng zawng te chungah Ramhlun North Branch YMA chuan lawmthu a sawi a ni.



YMA MEMBER NIH HI

Mizo hnam nun leh khawtlang inngahna lungphum pawimawh tak pakhat chu 'YMA Member' nihna hi a ni a. Khawvel changkang hian mimal hmasialna leh mahni chauh inngaihtuahna nun a hring thui viau nachungin kan khawtlang tana YMA member nih hlutna erawh a la danglam chuang lo. YMA member nih hi hming ziah luh ve ringawt emaw, thutkhawmnaa tel ve ringawt emaw a ni lova, chu aia thuk zawk - kan hnam nunphung vawng nungtu leh khawtlang tana mahni inpe tura intiamna a ni zawk.

Khawvel hian eng nge ka hlawkna tur? tih a zawn laiin, YMA member erawh chuan engtin nge ka khawtlang ka tanpui ang? tih a ngaihtuah zawk thin. Hei hi Zonun mawi kan tih, hnam dang ten min aw h em em na pawh a ni. Chhiatni leh thatni a mahni hma ngai lova, tui taka mu tura kan inbuatsaih lai pawha tlangau aw kan hriata tlan chhuak thei tura inrinna nun hian member nih hlutna chu a lanchhuah tir thin.

YMA chuan midangte nena lungruual taka thawhho dan te, mahni hmaa midang dah hmasak dan te leh khawtlang tana rintlak nih dante min zirtir thin a. Chu chuan mawhphurhna leh inlungruualna min siam thin a ni.

YMA member nih hlutna tak chu inpuihtawwna nun hi a ni. Mi harsa leh pachhia, chhiat tawh avanga lungngai leh mangangte tana inngahna ban kan lo nih hian member kan nihna chu a hlu em em a. Khawvel thila hausakna leh thiamna hian khawtlang nun min hruai thin mah se, YMA member-te tlawmngaihna leh inpekna tel lo chuan kan ram leh hnam hi a dam zo lo hial ang.

Chuvangin, member nihna hi chhuang tak leh hlawkna beisei miah lova kan vawn tlat a pawimawh a, YMA member kan nihna hi kan mimal hausakna ni lovin, kan khawtlang chakna leh kan hnam ropuina a ni tih hre chungin kan inpekna hian member kan nih hlutna thui takin a hril thin.



KHAWTHLIR

MIZO HMEICHHE HUAISEN LALTHERI

Laltheri hi sailo Lal, Lalsavunga fanu a ni a, a unau te chu, Vanhnuaailiana, Lalphunga, Thawmvunga te an ni. Laltheri hming than em em-na chu, hnam chawm pathlawi Chalthanga nen an in ngaihzawn thu hla vâng hi a ni awm e. A pa Lalsavunga a lo thih khan a nuṭa te ho chu an indang hlawm a, Laltheri erawh chu a nu nen in pui ber an nghak a.

Laltheri (Lalchawngpuii) hi nula hmeltha hmingthang lutuk ni lem lo mahse, a hlei tling a, a taksa pian a nalh-in a tituai a mawi hle a. Chu mai bakah nula inngaitlawm leh mi khawngaihna ngah tak hmeichhia a nih avângin mite ngainat a hlawh hle a ni. Nimahse, Sailo la hmingthang Lalsavunga fanu duat a nih avângin tlangval nazawngin an be ngam ngai meuh lo a ni. Chutih mek laiin Laltheri chuan an khua-a hnam chawm pathlawi Chalthanga chu a ngaizawng ta tlat mai a. Chung hun lai chuan Sailo lal nulata chu hnam chawm tan ngaihzawn emaw, neih ve emaw chu thil thiàng lo tluka ngaihi a ni a. Mahni lu zuar ang hialin an lo ngai thin. Chumi a nih laiin, Laltheri chuan Chalthanga chu a ngaizawng tlat mai si a, Chalthanga feh kal tur te hi kawt chhuahah a lo chang thin a. Nakinah chuan Laltheri leh Chalthanga chanchin chuan mite ti-ti a ti tam ta deuh a. Laltheri nuṭa te beng a lo thleng ta hial a.

Laltheri hnenah chuan hnam chawm Chalthanga chu ngaizawng tawh lo tur leh a fal a be tawh lo turin an hril h a. Laltheri nuṭa te chuan Laltheri hnenah, "Tuna i kawng zawh mek hi kan chhungkaw tan thil mualpho thlak tawp khaw a ni, duhtawk teh khai," tia an hril h ngial pawhin Chalthanga chu a thlah hlei thei tawh si lo va; zu in dawn nikhua te hian Chalthanga chu an hmuh hma loh a zawn tir thin a, a tel lovin engmah a ei-in duh ta lo va. Chalthanga tel lo chuan a tlei thei lo a ni ber mai. Laltheri vângin a nuṭa Vanhnuaailiana te ho chu an zak ngawih ngawih a. Chalthanga leh an farnu inhlat theih dan kawng an dap reng a. A changin Chalthanga chu thahah te an vau a, a changin khua aṭanga hnawhchhuah ah te an vau baw a. Chutih lai chuan Chalthanga chuan Laltheri a ruk tak chuan duh hle mahse, a ngaizawng tha ngam ve lo reng reng a, inthiarfihlim san a tum hram hram zawk a ni. Mahse Laltheri chuan dan rual lohvin a pan zel mai si a, Chalthanga tan pawh inven sen a theih ta bik lo va, an chesual a, Laltheri chuan Chalthanga fa hial a lo pai ta a, rei lo teah a tlangthang ta hlui mai a ni.

Chu chanchin zêt chuan Laltheri nuṭate ngêng a chhun hle mai a, "Sailo chingkim, ni leh thla kara piang kan ni a, hetiang Pawih

hnam chawm mai maiin min pawlh dalin, min tlawm tur a ni lo, amah Chalthanga chu kan va sat sawm vek tur lah ni, hetia min tih mai mai ni," an ti a. An ngaihtuah chianga chu em chu thil tih mi niin an hre lo deuh a, Chalthanga te chung chu an hnawt chhuak ta a ni. Mahse hnawh chhuah ringawt chu an farnu nen eng tikah emaw an la intawng leh ang tih an hlau leh deuh a ni mahna, a upa te a umzui tir ta a. Lungpawnah an va umphak a, Vanhnuaailiana upate chuan, "Chalthang lo ding lawk teh u, Laltherin a hmu duh che," an ti a, zu an khawn a, chutih lai tak chuan hreipuiin Chalthanga chu an chek hlum ta a ni.

Laltherin a nuṭate thil tih dan a hriat chuan a rilru a na hle mai a, a â lo chauh a ni. A rilru nâ lutuk chuan a thi awrh lai tam tak mai, chung hun laia an thil ngaihlut em em, sial tam tak man thi chu thingbulah a vâw darh chuai chuai mai a. Chu mai duhtawkw lovin a puan sin lai zawng zawng a hlip vek a, Saruak ngalngatin Sailo nula chhuanvawr chu khawlai ah a tlan vel ta ruai ruai mai a ni. Thlasik khawvawh vanglai ber te hian thawmhaw inbel lovin khawlai ah a riak thin a, a nu mangâng lutuk chuan, "Lalpu, hei tal hi sin rawh," tiin puan leh ârtui chhum sa kengin a um hlawk hlawk thin a. "Ka nu, ka nemte puan ka chawi lo vang, ka di Thangdanga zalna mah chhim lei tual dai ah," a tih san mai thin a, a nu chu a mangâng tak zet a ni.

"Hmangaih lungduh Chaltuaia fam ni chuan, Sailo ngurpui hrai chawi Laltheri thinlai chhawl ang uai zo e. Silhpuan chawi lai a nuam zo lo, ram dai bel e chhun rawl lovin." Laltheri chu an khaw mipui te pawhin an khawngaih em em mai a, tam tak chuan an tahpui hawm hawm mai thin. An lal te rorel dan chu rapthlak an ti lutuk a. Pitar upa tawh tak pakhat phei chuan "Hetiang reng a ro an rel zawngin an lalna hi ni in a la tlak pui ngei ang," a ti hial a. Chung thute chu Laltheri nuṭa Lalphunga te beng a lo thleng ve zel a. An ngai haw ngam lo reng reng a, huat-a hnekin an hlauthawng ru viau a, an thil tih chu an inchhir tak zet zet a ni. Vanhnuaailianate unauho chu an inko khawm a, "Eng kan ti nge, hetia kan tih tak mai ni, tûn hnua hthleng leh ngai tawh suh se!! Tin, kan khuate aia han inngahna tur mi dang reng kan nei lo," an ti hial ta mai.

Laltheri chuan fapa a rawn hring ta a. Phuba lak a tum ngâng mai a, a fapa chu, "Taite, i pa thattu chu ka hria a nia, pang damin han tlangval la, i pa thattu ngei chu i that ve dawn a nia," tiin a fuih sauh sauh va; mahse, a fapa hi puitling lovin a thi ta a ni. Laltheri vâng hian Sailo lalte hian an inngaihsanna lungpui chu an râwt hniam a, mi thenkhat chung a an rorel dan hleihluak pawh an bansan pah hial a ni.

Editor: Vanengmawia (7085878827); **Jt. Editors:** A. Lalfakzuala, Lalrotluangi Zote, Henry VL Nghilhlova Zote

Manager: Lalremsanga Hnamte (8974845644); **Asst. Managers:** Zodingliana, Lalrinchhana, Lalrinawma

News Editors: Lalrintluanga, Lalrawntluanga, Andrew Lalmalsawma, Samuel R. Lalmangaiha, D. Lianmanga, Vanalremruatpuia Ralte

Circulation Managers: PB Lalhuapzauva, Samuel Lalhlupua, Hmingthanzuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia

ZIN & HAW

- Tv Vanlalvenpuian s/o H. Rinchungnunga, T-Sec. Delhi-a zin chu a lo haw leh ta.
- Ni Rosaline Lallawmsangi d/o M. Vanramnghaki, T-Sec. chawlh hmanga lo haw chu a hnathawhna hmun Lawngtlai panin a kal leh ta.
- Pu VL Zahawma, V-Sec. chu hna thil avangin Kolkata lamah a zin.
- Pu Vanlalruata Ralte, V-Sec. chu in entir turin New Delhi-ah a kal.
- Dr. Lalhmuchhuaka, K-Sec. Ahmedabad-a zin chu a lo haw leh ta.
- Pu K. Zasanga, K-Sec. in check-up a Kolkata-a kal chu a lo haw leh ta.
- Pi Laldinpuii w/o V. Lalnunmawia, C-Sec. chu inentir turin Kolkata-ah an kal.
- Pu A. Hmingthanzuala, K-Sec. chu thil pawimawh buaipuii Bengaluru-ah a zin.
- National Mime Festival 24-30 March, 2026 Kolkata-a neih zawh takah kan veng atangin heng mi te hian Drama an zuk chang a, dam takin an lo haw leh ta.
- 1. Tv. Vanlalnunpui, T-Sec.
- 2. Tv. R Lalhruaitluanga, V-Sec.
- 3. Tv. VL Remruata, T-Sec.
- 4. Tv. Remfela Khenglawt, V-Sec.
- 5. Tv. Lalawmpuia Tochwawng, T-Sec.
- Pi Hrangmani w/o C. Biaknghinglova (Fam), S-Sec leh Pi Sairothangi leh a fate, N-Sec. Khawbung a zin chu a lo haw leh ta.
- Tv. Lallawmkima Zote s/o LH Thanga, V-Sec. hna thila Champhai a zin chu a lo haw leh ta.
- Tv. Lalruatpuia s/o Laltanpuia, C-Sec. chu a hna thawhna hmun Mamit atangin a lo haw.
- Pu Richard Lalsangzela te nupa, C-Sec. chu an hna thawhna hmun Khawzawl lamah a let leh ta.
- Pu F. Vanlalruata te chhungkua, V-Sec. chhiattawhna avanga Champhai lama zin chu an lo haw leh ta.
- Pu R. Sanghluna leh Pi Remsangpui te nupa, N-Sec. Pu Lalpawlliana, N-Sec., Pu Lalfakawma te chhungkaw, V-Sec. chhiattawhna avanga S. Lungdai a zin chu an lo haw leh ta.
- Rose Lalbeiseii Hnamte m/o V. Lalruatkimi, T-Sec. Kolkata-a inentir a kal chu an lo haw leh ta.
- Pi Lalhlmpuii w/o Laltanpuia, T-Sec. chu inentir turin Kolkata-ah an kal.
- Dr. V. Lalhmingliani leh Dr. Loncy V. Lalzarliana te chhungkua, T-Sec. Kolkata-a zin chu an lo haw leh ta.
- Dr. Lianthangpuia te nupa, N-Sec. chhiattawhna avanga Champhai a zin chu an lo haw leh ta.
- Tv. Malsawmtluanga s/o Larry Chunglura (Fam), N-Sec. chu a training na hmun Jharkhand atangin a lo haw.

LEI PIAH LAMAH †

RK Rosangzuali, K-41 w/o Lalthantluanga, C-Sec. chu 4.4.2026 dar 07:00 PM khan boralin lumen a ni a, a tuk ni 5.4.2026 chhun dar 12:00 ah Ramhlun North Thlanmual, Zemabawk ah vuiliam a ni.



Lusun khawhar chhungte thlamuantu Pathianin vengin awmpui zel che u rawh se.

DAMLO

- Lalrinawma, kan Asst. Manager s/o Sangkamlova, C-Sec. Ebenezer Hospital-a awm chu a lo chhuak leh ta.
- Pu Lalrawna, V-Sec. chu Synod Hospital, Durtlang atangin in lamah in enkawl chhunzawm turin a lo chhuak leh ta.
- Pi Lalchhanhimi w/o Zakamlova, C-Sec. Civil Hospital, Aizawl a awm chu a lo chhuak leh ta.
- Pu C. Lalhmangaiha, C-Sec. Nazareth Hospital-a awm chu a lo chhuak leh ta.
- Pu R. Sanghluna, N-Sec. ZMCH a a khup zai chu in lama in enkawl chhunzawm turin a lo chhuak leh ta.
- Laldinliana s/o Lalrohluva, C-Sec. Synod Hospital, Durtlang a a ke ruh zai chu in lama inenkawl chhunzawm turin a lo chhuak.
- Pu Lalhnema, S-Sec. Trinity Hospital-a awm chu in lama inenkawl chhunzawm turin a lo chhuak.

PAWL DANG

Ramhlun United Badminton Club (RUBC): Yonex Sunrise MBA Junior Championship Mizoram 2026, Serchhipa neihah U-11 Girls Single ah Faith Rinmuanpuii d/o H. Lalrotluanga, V-Sec. chuan Bronze Medal a la a. Tin, U-13 Girls Single ah K. Rohlupuii d/o KT Thangdingliana, N-Sec. chuan Silver Medal la in U-13 Girls Doubles ah K. Rohlupuii & K. Lalruatpuii te unau chuan Bronze Medal an la bawk. He hunah hian Ranking tournament khelh nghal niin U-17 Girls Doubles ah K. Lalruatpuii d/o KT Thangdingliana, N-Sec. leh Grace Lalrinawmi d/o H. Lalrotluanga, V-Sec. te chuan Bronze Medal an la.

MBA Interclub Championship 2026, Mizoram Badminton Centre, Zuingtui a neih zawh takah RUBC Under 15 Girls Team K. Lalruatpuii leh K. Rohlupuii te chuan Bronze Medal an la.

Ramhlun North Football Club: Ramhlun North Football Club chuan Football Academy din a tum a, Academy hi RSC Field-ah neih tura ruahman a ni. Zawhfiah duh neite chuan General Secretary, Pu Zodingliana Zote Ph: 9862109271 leh Asst. Secretary, Pu Jonathan Lalrintluanga, Ph: 9862375861 ah biak theih reng an ni.

KEIMAHNI

- Zomuanpuia, S-Sec. chu Agent atan ruat thar a ni.
- Lallawmawma Ralte, S-Sec. chu Agent atan ruat thar a ni.
- Beraw Enterprise, Ramhlun North te chuan ni 11.4.2026 (Inrinni) a an dawr thar hawnah MARYMA Editorial Board-te min sawm a, an chungah kan lawm hle.

LOCAL COUNCIL

- Tunlai hian Nazareth Opposite bul vel; Foot-path leh No Parking hmunah two wheeler zan lama riah thin kan tam leh ta viau mai, heta dah thin ten kan lirthei te dahsawn turin kan inhriattir a ni.

Vengchhungah in sa kan awm nual a, fur a lo hnaih leh tak avangin leimin thei lakah in veng fimkhur ila, chhiatna nasa zawk a thlen loh nan kan tui paihna chenin kan en that a kan fimkhur thar leh a ngai e.

LAWMAWM

- Lalrempuia Fanai s/o Dr F. Laltanpuia, S-Sec. leh K. Lalrinzuali te chu ni 10.4.2026 khan BCM, Ramhlun North Biak In ah an innei.

KOHRAN

Presbyterian Kohhran, Ramhlun North: KTP Ramhlun North Branch ten Sports an neih mek chu kar leh lam hian an chhunzawm ang.

Presbyterian Kohhran, Ramhlun East: Ramhlun East Branch KTP te chuan vawiin nileng khan KV Futsal Ground, Durtlang ah Sports an nei a, kar leh lam hian Sports hi an chhunzawm ang.

Ramhlun East Kohhran Pavalai Pawl member mi 36 vel chuan Pathianni hmang hian Nisapui Kohhran Pavalai Pawl te an tlawh dawn a, Thawhtanni ah an lo let leh ang.

Roman Catholic: Tun Pathianni lo awm tur hi "Devine Mercy Sunday" a nih angin hemi pual hian Kohhran ten program hman tum a ni a. Hemi pual hlawhtlin theih na atan hian (Ni 9 chhung) April ni 3 atang khan Novena Holy Mass zantin Biakin ah an lo hlan thin a ni.

MM LAUNDRY
WET & DRY CLEANING

LAUNDRY	
Blanket Single	₹150 - ₹250
Blanket Double	₹250 - ₹350
Rizai Single	₹100 - ₹150
Rizai Double	₹150 - ₹300

DRY CLEAN	
Coat/Blazer	₹250
Over Coat	₹300
Jacket/Sweater	₹200

Pick and Deliver kan ti thei bawk e.

More Information
+91 90895 26197
RAMHLUN SOUTH



ARTICLE

LIRTHEI KHALH HIAN

- Maruata Chhakchhuak

Kan thupui hi han sawi chhunzawm teh ti ta ila tam tak chuan, "Thinchhiat a awl" tiin kan sawi ngein a rinawm. Ni e, mi zaidam tak ni a kan hriatte pawh lirthei an khalha thinchhe tlat sawi tur kan hre nawk awm e. A chhan tam tak a awm thei anga, a chhan nia kan hriat pawh a inang lo thei viauin a rinawm. Chung zingah chuan, lirthei kan khalh hian kan kutah NUNNA a awm vang a ni, tiin sawi ila a khaikhawm ber mai awm e. Nunna tih hian, a khalhtu, a chhûnga chuangte leh midang thlengin a nghawng thei a. Hei vang hian lirthei kan khalhin mi tam tak chu an mizia a inthlak hlauh niin a lang.

Mâwla: Lirthei khalh hian mi mâwl hi an lo tam awl khawp mai a, midang hriat tham si loh hian, "I va mâwl e," tih fo a awl khawp mai. Kan Veng pa lâr tak pakhat chanchin an sawi hi tak tak ni maw? City Bus Driver kha tlan pelh pahin "Mâwla" a ti pek a ni awm e. City Bus Driver chuan rawn tlan pel leh in a rawn din chilha, a lo pa lian phian mai baw si a, "Ka mâwl maw?" a rawn tih leh chuan, "I Mâwl love," tih kha a chhan let lehna a ni. Intlan pelh paha "I va mâwl ve," emaw, "Mâwla, I á em ni?" han intih mai te hi awl tak a ni a, a tawngtu tan chuan a mawh lo, a tira kan sawi tak ang khian lirthei kan khalh chhûng chuan kan kutah Nunna a awm tlat vang a ni.

Insurance A Pawimawh: Mi thenkhat chu, han ti ila, lirtheia intihpalh ni khuain uchuak taka midang chawitir phet tum an awm leh tlat thin. Hetiang hunah hian kan lirtheite First Party-a kan insure chuan midang nen intihpalhnaah thui tak min chhan thei a, a tangkai hle. Chutih rualin mi tam ber chuan kan lirtheite hi Dán keng kawhtute man dalah Third Party-in kan ti ber thung. Hei vang hi a ni mahna midangin min tihpalh chuan chawitir phet kan tum niin a hriat. Insurance Company-te hi tun hma ai kha chuan an smart ta hle a, thihna emaw, case lian tham tak ni lovah chuan claim a awlsam ta hle. Mi mâwl tak tak tawn fuh palh pawhin sum tam tak sêna turah min chhan thei a ni.

Rilru Nat Man: Nikum tawp lamah khan kan Office gate bulah kan thiante motor an intipalh hlauh mai a, chhun chawlh lai tak a ni a, an inrem theih loh avangin min rawn ko a. Kan va thlen chuan kan thiante motor chu a kawngkhar hnung lam a lo ráng nasa angreng hle a, a lehlam zawk (a thiam zawka in chhálte) erawh chu a ráng lai an sawi chu kan zawn ngial pawhin kan hmu thei lova. "Khawi lai hi nge ráng ve chu?" ti a kan zawh chuan, mit lawngin a lo hmuh theih lova, kuta han zut chuan a bumper dum laiah chuan inrin a awm ve deuh a nih dawn hi, tih tur chauh a lo ni a. Chuti chung chuan, "A neitute rilru nat man in chawi ngei tur a ni" a ti bur thung a. An intihpalh chhan tak chu, kawng sir lehlam lehlama lirthei park vanga kawngpui zim a ni, a hun leh hmunte thlir thiam hi a tul hle.

A Ken Tel: Lirthei pung zelin a ken tel pakhat chu hmeichhe lirthei khalh an pung nasa hi a ni. A bikin han ti ila, hmeichhe lirthei khalh zawng zawngte kan sawina ni lovin, Traffic Jam nasatna hmun ni lova lirthei inzui dul dul a awm chuan a hmasa berah City Bus emaw Truck lian an tlan a nih loh chuan hmeichhe lirthei khalhin hma an hruai a ni tlangpui. Lirthei khalh thiam hian ken tel a nei nual tih hriat a tha, heng - Side Glass hman thiam te, lirthei chet dan flow ti buai lo tura insiam rem te, midang zai ngaia lirthei khalh theihthe leh Dan hriatte hi a ni. Hetiang deuh bawh hian, mipa zingah pawh hmaa tlan apiang lehpelh tum leh a chép laiah pawh inrawlh ching "Mi Mâwl" an tam ve bawh.

A chung a kan sawi takte atang khian lirthei kan khalhin Mawh leh fíng nihna inkar hi zimte chauh a ni. Ni tin hian mi engzat vel chiah nge "Mâwl" i tih thin a, mi eng zat chiahin nge "Mâwl" an tih ve ang che tih han inngaihtuah chin mai mai teh.

ADVERTISEMENT

KC TUI

Tui thianghlim tak PHE a quality test thlap, PickUp-in 2,000 litre kan pe thei reng e. Ramhlun North veng chung tan discount kan pe e.

Ph: 9774223462 / 7005010327 (10-3)

TLUANGTEA SEPTIC TANK SERVICE

Septic tank khat paih leh repair kan ti thei reng a, rate chu inbiakremna a ni ang.

Contact: 6033373188/9612376373
C/o Marina: 9436140350 (5-2)

JM SEPTIC TANK SERVICE

Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e.

Rate: inbiak remna. Registration: MRS 542
Contact: 9862476439 (10-6)

KHIANGTE SEPTIC TANK SERVICE

Septic Tank khat paihfai, Comode Block, Soak pit, Pipe Fitting, Repair engkim, khur chung lutin, a neitu te lungawi na thlap in kan thawk thei e thawk thei e

Contact - 9862344971 Bawngkawn South (20-18)

PUIA SEPTIC TANK SERVICE

Septic tank paihfai, commode block, pipe, commode fitting, soak pit leh a khur repairing engkim kan khawih thei e.

Rate: INBIAKREMNA Ph: 6909266562 (10-1)

MAFELA SEPTIC TANK SERVICE

Septic Tank khat paih fai, commode block, pipe fit, soak pit thar siam engkim kan ti thei e.

Rate: Inbiakremna Ph: 9233440125 (10-6)

Doctor leh Nurse ten Dam lo te
Anmahni in ngeiah kan pan thei ta



Enkawh theihthe

TIMING
Thursday & Friday
7PM-10PM

Harsa taka Hospital
pan kher ngai lova
inawkawina

Mahni in lumah
thiamuang taka
mithiamte enkawina

Mahni mamawh dan
mila inawkawina

Hun bi nei & Book
Lawk ngai anih avangin
Emergency Service a tel lo

- 1) Suturing stitch removal
- 2) Dressing
- 3) Injection
- 4) Venflon fixing (1-1)
- 5) BP Checking
- 6) Temperature check
- 7) Blood sugar check (Random)
- 8) Folley's/Silicon Catheter insertion
- 9) Folley's/Silicon Catheter removal
- 10) NG Tube insertion
- 11) NG Tube removal
- 12) Minor Clinical Cases
- 13) Mamawh & Remchang dangte

NOVEL Clinic
Ramhlun Venglai, Aizawl
(Prov. Reg. No : A-0745/26)

For Booking Dial
6009505183

HOLY CHILD SCHOOL, RAMHLUN NORTH

OPEN ADMISSION FOR 2026-2027 (7-5)

- Kum 2026-2027 session atan Holy Child School chuan Nursery to Class - X lut turte tan Admission a hawng leh ta a, lo ngaihven ve rawh le...
- Hmangaihna leh hriatthiamna thuk tak nen a naupang te hmasawn nghal tura enkawlina hmun tur a ni e.
- Hre Chiang duh tan a hnuai a phone number tarlan ah hian a zawhfiah theih reng e.



+919436154080

holychildschool143@gmail.com